

# IFA USUN FORUTAN EWE OPPOSUN COVID-19

030321 CHUUK

Fofforun angangen ei safei a tongeni tori fituw ekkoch ier. Nge iei, ewe ewin safein COVID-19 a wes non chok ukukun a kukkun seni ew ier seni atun an a pwa ewe monumonun semwen a forata COVID-19. Pwata e tongeni fis?

**A ouwchea sipwe fat pwun ewe safei a unusech kewe kinikinin angangen chek ren tes me pekin safety. Ese wor met re skippini.**

Opposun COVID-19 ir mei no ngeni kewe pwusin kinikin mei kan fiffis ren an epwe ketiw ewe safei.



## Met a sokono iei atun?

Non ei atun, aninnis me kokkot nefinen kewe chon angangen ewe safei, ewe federal government me kewe private company ra amwocha ewe angangen foffor. Ikkei ekkoch wewe pwata ewe fofforun safein COVID-19 a mwittir:

- **Scientists ika sou tipachem ra fen akkomw ne pwopwutani angangen.** Ewe angangen safein COVID-19 non fonufan unus a pwopwuta akkomw kewe kae won coronavirus (akkaewin kewe safei SARS me MERS) iwe a akkomw seni meinsin ne no ngeni ewe pekin technology non safei.
- **Mwonian a fen kawor.** Fan ekkoch kaworen mwonien safei ren an epwe wor kaeo won a mang me tam. Ren ei oposun COVID-19, ewe federal government a fen awora watten mwoni ren an epwe anisi mwittirin angangen ei safei.
- **Angangen kaen ewe safei ra kochu fengen fan ew chok.** Sou tipachem ra kawor seni kewe unungat mannapan kinikinin kaen safei ra kochu fengen non chok ew fansoun ese pwan aimwumwu. Faniten ewe kaworen mwoni, ra fori me unungat kewe kinikinin kae ren ewe safei non chon ew fansoun, ese chiwen wor utiwitin ew mwurin pwan ew.
- **Pekin production ra fen pwopwuta ne for.** Ewe federal government a anisi ewe angang, kewe nenien angang ra fen pwopwutani angangen packaging ren kewe opos nupwen mei chiwen fis ewe angangen kaen ewe safei.
- **Kewe pekin angang ra kan amangano mettoch ren ammasow taropwe me utiwitin mwumwutan ketiw ra koturuno me kukkunutiw.** Ewe minafen safein COVID-19 ra fen approve ika ketiw fiti ewe Emergency Use Authorization (EUA) seni ewe Food and Drug Administration (FDA). Ketiwen ei safei a mwittir seni kewe pwusin angangen approve ika ketiw mei kan fiffis. Kewe meinapan group seni asan won ewe federal level rese mwut ngeni ekis mettoch epwe ammangano ar repwe katon och ika reviewni ewe safei. Ew aweve, ewe FDA a awora chommong staff ika chon angang ar repwe tongeni mwuttir ne katon och ika reviewni kewe kinikin seni maram ngeni wik.
- **Kaen ei safei mei fis.** Faniten COVID-19 mei kon watte, sou tipachem ra fen kuna fichi fite ukukun aramas mei opos a urir COVID-19 ra kuna sokonon seni kewe ra semwen rese opos.
- **Pekin safety akkomw.** Ew safei a ketiw ika pwun ewe kae a pwarata pwun mei safe me wor manamanan. Nupwen an a chommong aramas ra angei ewe opos, ewe FDA me Centers for Disease Control (CDC) repwe angei kewe information seni kewe opos iwe ra sopweno ne kae ar repwe sinei ukukun manamanan.




## Kewe tetenin fofforun ewe safein COVID-19

Kaen ewe oppos non nenien safei

Katon ika review pekin Safety Data ren ewe oppos

Kawesinon fofforun ewe oppos



### Kae

Forutan pekin kae ren pwan ekkoch monumonun semwen.

### Kinikin 1 Kae Safei

Ewe oppos mei safe?

### Kinikin 2 Kae Safei

Ewe oppos mei manaman ika pochokun?

### Kinikin 3 Kae Safei

Ewe oppos mei safe FITI mei manaman ika pochokun?

Kewe kinikinin kae safei ra kochu och

### FDA a katon

FDA a katon ewe data iwe a ngeni Emergency Use Authorization (EUA) an epwene aea ewe safei

### Advisory Committee on Immunization Practices (ACIP) a katon

A katon ngeni me pesei ion epwe angei ewe oppos.

### Kewe nenien anganga

Nenien angang ra fen angang won, nupwen chok mei chiwen nom won angangen review me ketiwan.

### Ewe Western States Scientific Safety Review Workgroup

Katon ochuw pekin safety me manamanan. (Oregon, Washington, California, Nevada)

## Mei chiwen watte met sipwe kae ngeni

Kewe kae ren ewe safei ir mei chok sopwosopwono iwe mei kapach met sia sinei seni met mei fiffis ren ewe safei sia kae iteitan. lei atun iwe met mei pwata ren ewe safei pwun mei safe pwan manaman och. Mei chiwen wor met kich mei need ach sipwe pwan kae seni ren ewe opposun COVID-19:

- Ifan ukukun tamen manamanen ewe oppos an epwe epeti emon?
- Kewe aramas ra angei ewe oppos ir mei tongeni chiwen esemweni ekkoch?
- Ika pwun ekkesiwinin monumonun ewe semwen wewen nge epwe pwan for sefan minafen oppos ngeni ren non kan ier epwe eto?
- Epwe pwan wor ekkoch memmefin ewe safei sipwe sinei nupwen a million aramas ra angei ewe oppos?

Ikei kei kapaseis mei och sia need ach sipwe pwan kae ngeni. Nge esapw faniten na wewe epwe amangano ewe safei mei safe me manaman an epwe katou ngeni aramas iei.

## Mei wor pekin aninnis ika pwun mei wor om kapaseis ika mefi pireir

Ka tongeni mefi ngasono ren ei oppos an epwe anisi chiechom me famini repwe safe seni COVID-19. Ka tongeni mefi nimwokus ren om kopwene angei ewe oppos. Ika pwun en emon aramasen ekis esapw chon won, ina kopwe pireir ika kopwe nukuw ei oppos mei feito seni ewe medical system nenien safei faniten met a pin fori me mwan ngeni om ewe community a atai om nukunuk non. Mei weweoch an epwe wor om ourek. Kae sinei me churi pekin aninnis:

- No ngeni [multco.us/covid-vaccine](https://multco.us/covid-vaccine) ren om kopwe fat.
- Churi noum tokter ika ngeni om clinic. Ika ese wor noum tokter, kokori 2-1-1 ika Multnomah County Primary Care Clinics: 503-988-5558
- Kokori ika no ngeni Oregon's Statewide Safe + Strong Helpline an epwe wor chon anisuk. Esapw chok faniten om ka nom non watten osukosuk osupwang. 1-800-923-HELP (4357), [linesforlife.org/obhsl/](https://linesforlife.org/obhsl/)

**NO NGENI MULTCO.US/COVID19 REN MINAFEN PWOROUS**